

特 告

發給襟章之佈告

公啟者。本社職員襟章。現已一律分發。惟社員襟章。則俟大會時發給。特此先佈。

本社教授英文算術之佈告

公啟者。現本社社友會君嘯徽在本社擔任義務。教授英文算術每夕由七打鐘起至九打鐘止。第一時英文。第二時算術。凡本社社友來學。一律免收學費。有志者蓋興乎來。

社 聞

正副社長白

▲擬到各埠組織分社之預聞

總務課長何君嘯凱。以政黨勢力。貴多設支部。廣招同志。本社同人。旅居外鎮者不少。尤應設立。現何君擬日內親到各處組織一切云。

▲吾社不少壯士

同人譚君伯機楊君敏達。均受聘于祿字營。

經誌前報。現聞二君以虜巢未破。坐食不安。特在該營極力提倡。編練北伐。該標統亦極贊成。已派譚君為教練長。編列精壯者。聘請教員。訓練實行北伐。楊君甚欲欲隨營効力云。噫。二君亦壯矣哉。

▲地方不靖累及同人

順德自反正而後。干戈頻起。無日安靜。鄉民紛紛遷徙。流離失所。聞者傷心。昨日同人陳君鏡湖之逢簡鄉。因有會匪屯聚。軍政府派兵痛剿。開砲轟擊。鄉人奔避不及。多至波累。而陳君亦幾及于險云。

按中國自孫先生首倡革命。羣雄響應。連年流血。不可勝計。而後起之英。迄不少挫。故成立今日之胚胎民國。然稍不再接再厲。人民一心。則滿清餘灰復燃。猶為可慮。乃地方羣小尙乘民國不暇內顧之時。竟恣意搶掠。擾亂治安。使我人民未享共和之福。先蒙地方之害。噫。羣小之肉誠不足食矣。然願我同胞勿因此而灰心民國。至罹後日之禍猶

烈也。

▲徵聯所得之確數

是次本社徵聯籌款。適因國家多事。故收聯稍少。茲將查得各號代收數目。分錄于下。以備關心社事者一覽焉。壇上收八百一十七比。會文軒收一千五百九十二比。五洲春一百一十二比。廣源五百五十四比。與蘭居九百七十八比。盈昌三百八十九比。瑞文齋三百五十六比。龍山東生一百五十三比。萬利來一百四十八比。香港宜雅齋一百一十五比。樂從閱書報社八十七比。大良慶雲齋四十七比。沙頭時雅齋一十三比。實共收五千三百六十一比。折實約得銀二百二十二元六毫云。

▲建築社址之覓地難

本社自發生建築社址。請專員勸募問題實行後。頗收効力。惟現經四處覓地。均未得相當之處。恐年內難觀厥成云。

▲熱心教育

社員曾君嘯微暨李君笑演。均畢業于兩廣方言學堂。現當教育弛廢之際。曾君慨然允為担任教授英文算學。又不收社員學費。可謂熱心教育之極。吾社友有志講求學問者。不可不極力介紹社外友人。俾得成班講授。再如社員有欲研究國文與各有用科學者。聞李君笑演亦允出而担任云。

●正誤 第一百期。土貨答問事宜篇。正未可同日而語同誤得。又第一百零一期。土貨答問事宜篇。多各字。動輒採購於外洋。採誤搖。究不若設法以維持之。究誤穿。遂至為害迄今而難反。漏害字。尙不能全恃國人之自愛心而不蹈之。尙誤當。仍然保持常服。服誤報。

又小言欄內一國誤強國。願與諸君研究之漏諸君二字。

論 說

論報界不登載軍事之非 嘯凱

報紙者。有代表輿論。監督行政之責者也

。不爾而尊。不兵而厲。轉移風化。掌握褒貶。孰有過于報紙者哉。

我粵報界。處滿清專制時代之下。奮筆直書。號稱敢言。振國民權。矚奸官魄。前扑後起。不避刀斧。海外歡迎。爭相口誦。

。斯則尤爲吾粵報界之特色也。夫以百折不撓之特色報界。其於今日民國胚胎時代。正當以行其天職。匡之翼之。使我民國他日得由胚胎而成立。豈非大偉事耶。

乃竟以月之某日。誤登新軍解散。至被傳問。勒交訪員。而羣起決議不登載軍事新聞。吁。吾竊以爲報界未取也。夫軍政府之勒交訪員。其辦法固失當。然經各報合說辯明。論其種種不合。而軍政府亦坦然受之。則是非自明。前嫌可盡釋矣。何尙作此因噎廢食之舉乎。即軍政府尙有未合公理。亦當持正當之理由以忠告。忠告不能。然後詰責。詰責不能。當聲其不職以佈告于天下。斯天職乃盡。况軍事爲今日人民最注意之事。厥而不載。必多謠言。貽

悞大局。良非淺鮮。人將謂我報界過少憤而置大局于不顧也。卽不然。亦將謂我畏怯。前所謂百折不撓之榮譽。有不盡掃地乎。嗚呼。吾願有代表輿論諸君子三思之。

偶談

笑 演

結社團所以成政黨。成政黨所以維政治。非所以聯歡政界也。某日某社于東園開大會。其編刊幹事員表。首列政界招待員。而社團招待員則抑之將尾。學界招待員且缺如。其真欲聯歡政界歟。抑政黨性質必如是歟。笑客曰。舊觀念未除。何有于先覺。吾粵自反正至今。新成立之社團。不下數十。人民之切望共和。社會之固結團體。可謂熱極盛極矣。然根本不立。則枝葉不茂。虜巢未覆。施行軍政尙未有已時。卽完全共和政體。尙未有實行日。與其先事籌設不求人格之社團。曷若就目前軍政財政等急務極力進行。新成立之社團。務以社員多爲勢力宏偉。其入社也。不求人格。一交基本金。卽可

置身社中。更有故低其入社費以爲招徠之術者。不知社團以社員人格高尚爲貴。而社員又以政治學術精邃爲榮。若合一團卑下之流。適以召敗羣之辱矣。吾社首重人格。庶有見于斯乎。

論社會黨將來之勢力

嘯嶽

物競生存。優勝劣敗。天演公例。實無可逃。勢力強者競優。否者劣敗。理想真者優勝。否者劣敗。社會黨之言論。每每祇可存諸理想。而不能實行。顧其持論最真。終久必大。可斷言也。循是而社會黨將來之勢力可得而論焉。

溯自人類伊始。渾渾噩噩。狃狃榛榛。穴居野處。飲血茹毛。無貴賤。無尊卑。無嗜好。無欲望。茫茫大地。莽莽神州。人皆地主。物無私產。此上古圖騰社會之現象也。當是時人民渾樸。世界平等。雖無火化衣服。而以生以育。人類以繁。惟各安其俗。樂其業。至老死不相往來。無交際。故無聯絡。無聯絡。故無黨派。無黨

派。故無競爭。至無競爭。則一切衆生皆平等。雖無互相友愛互相保護互相長養之形。而實有其實矣。故其時社會狀態。雖以圖騰名。而實則今日社會黨之希望。亦不過持均產主義。欲使人類皆得其養耳。熟知均產主義。已胚胎於數千年前混沌沌之圖騰社會時代哉。乃自黃帝開物成務以來。器用具而巧詐生。求得欲從而心志廣。成周之際。法制典禮。因之以興。至是一變而爲宗法社會。斯時也論創制則爲進步。而論民生則爲退步矣。雖是時井田制行。亦爲均產主義。而諸侯世國大夫世家。豪商大賈。漸圖兼并。至戰國之時。五公子之門。食客動輒數千人。則當時游手之衆。人民之失所養也可知矣。至嬴秦鯨吞六國。而井田制廢。豪強兼并之徒乘之而起。而民生愈艱矣。

(未完)

函件

蒲君礎伯上同人辭職書

同志諸君鑒。今日者。何日子。乃生死存亡之日也。溯自滿清入關。竊據神器。二百六十八年於茲矣。君權之壓制。貴族之專橫。官吏之狠惡。虐政之苛抽。民生凋殘。土地割棄。內憂外患。痛不忍言。此革命之實行。而建功於今日也。雖然。虜巢一日未破。漢室一日未安。吾人責任。猶未已時。倘一失敗。漢口之禍旋來。漢種之滅猝至。此所以成今日生死存亡之日也。故今日者。最重軍人。蓋軍人內可以維持秩序。外可以殲厥羣虜。中國之興亡繫焉。漢種之強弱繫與。通國皆兵。此其時矣。僕愧無能。弗克身列戎行。操戈北伐。且僕苦衷。誠有不能告人者。今藉廣東軍事體育會發起。招攷儲蓄軍事學問人才。爲將來通國皆兵之先導。北伐後盾之預飲。僕亦被列正取。得以入會肄業。僕雖無能。既蒙不棄。乃勉力而從事於軍事。以盡一分之量。而爲共和之民。然既有事於東郊。勢難盡力於西嚆。况僕素稱魯

頓者乎。今所以恭辭撰述之職者。良以此也。區區之心。伏爲諒許。肅此。并請公安蒲礎伯謹上言

專件

中華民國協羣社總部訂定章程(續)

支部之籌設

第六十五條 各處社員力足建立本社支部者即由各該處自集該處社員組織之并得就便自擬支部章程報由本總部公認該支部章程以不抵觸本總部章程爲合

第六十六條 支部事務即由該處社員票舉總幹事員一人幹事員若干人財政員一人稽查員無定額

第六十七條 凡支部社員均有總部選舉權支部選舉則別部不能有選舉權至選舉時期雖于總部選舉一星期後舉行并須報由總部派員參觀

第六十八條 凡支部成立時准由本總部劃撥該處社員例交常費五成爲該支部經費

民國元年元月廿八星期日出版第一百零二期

(六)

不足得由支部另籌款項自濟

第六十九條 凡支部社員介紹同志入社得

由該支部核准附入先發回收條須將基本
金繳交總部方由總部發給入社憑券同享
社員一切權利

第七十條

凡總部有事委支部辦理不得藉
端推諉支部有事非一部勢力所能辦者須
將特別理由交總部提議認可即以總部名
義贊助之

第七十一條 凡支部有事請議欲開全體特
別大會不能在該處召集祇可請在總部舉
行

第七十二條 凡各處支部社員負擔各項事
務須先總部而後支部免生尾大不掉之弊

第七十三條 凡支部有不正當行為本總部
得召集全體大會表決取消之 (完)

什文

憂患文

憂患餘生貞廉

蓋聞公侯將相。難尋却死之丹。富貴王孫

。否獲延生之藥。彭祖高年八百。終有盡
頭。孟嘗食客三千。那堪回首。長城萬里。
秦皇也枉經營。外海三山。武帝徒勞妄想。
。青春不再。大禹用惜光陰。白日莫閒。
仲尼獨嗟水逝。寫滄海桑田之幻。興花殘
月缺之悲。任他王氏蘭亭。未必天長地久。
。就令石崇金谷。詎逃雲散風流。從古綠
慘紅愁。鬚眉氣短。翻雲覆雨。巾幗情傷。
老大徒悲。琵琶行千秋飲恨。少年易老。
邯鄲夢片刻餘驚。此澤畔哀思。屈大夫離
騷命賦。江南淒怨。庾子山揮淚成文者也。
。憶自髫齡入塾。吟哦孟孔之書。舞象改
途。思想嵇陶之學。孰料馬援腦力。半消
磨於十年歲月之中。阮氏荷囊。尙羞澀而
千載風雲未會。苦睽違於西粵。嘆失敗於
東隅。已知寂寞今宵。誰憐楚客。漫說沉
淪此日。孰起夷吾。自悲馬齒徒加。未遂
終軍之志。轉瞬駒光虛度。空懷端木之心。
。將欲擊楫渡江。而魄力有慚祖逖。將欲
枕戈待旦。而才華又遜劉琨。依然柳往雪

來。年年故我。忍話雁南燕北。歲歲依人。况復感塵世之茫茫。哀神州之莽莽。虜廷未陷。痛腥羶猶彌漫燕京。漢族重光。憤雀苻尚縱橫珠海。嗟乎。我非多病沈郎。儂實工愁杜牧。廿一仲夏。曾賦悼亡。廿八季春。又云失恃。生離死別。人孰無情。石爛海枯。天胡此醉。祭文墨蹟。痛妻尚未全乾。襟淚啼痕。哭母又翻重濕。故撫彩雲而物怛。徒悲散易聚難。對明月而低徊。翻恨缺多圓少也。嗚呼。新愁黯黯。莫識歡娛。舊恨悠悠。曷勝憂患。

此稿著於辛亥季夏時也。緣數月來憂患填膺。苦未得脫。爰於前數天。窮索枯腸草就。顧蒙忝任辛亥撰述。自知曠職。罪無可逃。望諸同志薄責之則幸耳。

憂患餘生誌

諧談

攝政

嘯

攝政王始。攝政王終。凡欲滿清亡者。輒

作爲口頭禪。然未有的當解斷也。有某甲。一日。談及時事。亦以是爲言。乙固知其好辯者。以無解斷難之。甲曰。是有理在也。汝不觀人之將死乎。其類攝正之（正與政同音）後。并將其脚攝正。則死矣。今滿清首尾皆攝正。非死象乎。是滿清之亡可斷言也。

溥儀

凱

乙又談及近日報章。紛載傳儀讓位退居熱河特電。爲未可盡信。甲曰。事或然也。汝不觀溥儀二字乎。溥字分讀。豈不是寸浦。儀字避去一筆。分讀豈不是我住。總讀之。卽我住寸浦。以方寸小浦。猶且願住。則讓位退居熱河。敢謂爲未有之事耶。

粵謳

乜你咁闊

民昆

乜你咁闊。動極都總唔慳。都要慳番多少。願住吓後日艱難。就係潤到開行。邊个

睇你在眼。至怕打回原位、問你點樣子轉灣。若果監硬硬擱、要賴住噲憤。(跌也) 恐怕當場出醜呀、個陣幾咁羞顏。古話上得山多、終噲撞板。君呀你自家唔顧、都要顧吓同班。雖則係現在惡到通行、唔怕拚爛。怕到積債如山、就不共你講頑。世界點話到你惡埋、雖要猛返。唉、勿个唔聽諫。前途珍重呀、勸你勿作佢爲閒。

小說

絳裳姐(三續)

笑演

乃整衣隨童往。迴步雕欄。拂牆花影。至則席宴已張。主人俟于甯門。笑迎曰。盡日孤坐。意悶又惡俗客。今日之敘。乃領教先生元白妙才。想清逸如先生。亦厭錦簇金迷中。涉有持梁蟹肥者也。潘子喟喟道謝。旋入靜室中。綰綉插架。錦軸牙籤。與竹榻檀椅。置放整雅。潘子坐案側。視視池露潤。羹餼雲重。知主人正有所作。

。適謂元白妙才。是必有佳句偶得。詞壇壓倒之致也。談際。盛道主人詞藻。并露傾倒意。迨酒酣。主人樂甚。潘子益勸酬之。時主人已半醉。乃慘然曰。美人難再。薄命如花。睹此已死春蠶。令我難乾燭淚。從此餘灰劫後。又怎能作漢宮之重見耶。言罷。呼咽不成聲。潘子極意譬慰。并詢云何見悲。主人乃出薛箋一束。曰。此寄情詩也。(相將鬥草趁花朝。各繫羅裙五色嬌。最愛翻新圖百蝶。黃裳拂拂向人飄。)(踏青時節散幽懷。姊妹南園集翠釵。執扇輕將蛛蝶撲。無端蹙損鳳頭鞋。)(此悼亡詩也。(飛灰劫後再來遲。從此離愁只自知。紫玉成烟餘舊恨。巫山零雨枉相思。鈿車綺夢西陵斷。月夜魂歸倩影疑。知爾重泉難慰藉。風流端已讓諸姨。)(人生得此。憾慨何如。所不能慘慘去懷者。情之所鍾。正爲我輩耳。潘子矚目無言。心有所觸。慨嘆前事。只連應曰。是是而已。(仍未完)